


मारदे स्कुल लचा माल्बा डा?

बिरे गैरी गाउं डा बाक्ब। आ नेक्था बाक्ब आन आल नेल्ल ब्रेक्स पथ स्कुल लाइनीम। तन्न बिरे आ आलपुकी स्कुल मलाइनीम। मारदे हना बिरे प्रुडग बाक्ब। 'स्कुल कली थाप्तीक क्येट मबाक्ब' दे आ आल आन कली ब्रेक्स शेंसीथ सोइक्ने मचाप्शो बाक्ब। बिरे के मेश का नु क्यारश निक्शी सां ला बाक्नीम। बिरे आ आलपुकीमी मेको मेश नु क्यारश आन कली घांस रिक्तीक नु योव्रतीक पाइनीम।



काबु स्कुल डा मास्टरनी बिरे आ खिंम जाक्शा, "बिरे दाग्यु इन तमी तौ आन कली मारदे स्कुल मसोइक्नीनी" दे हिल्लो पाप्तु।

मिनु बिरेमी "मास्टरनी नानी, स्कुल दा शुश शोंप पाइशशो मुर आन कली ला बाक्ब। गो खोदेंशो क्येट मथीब प्रुडग मुरुम ते डा क्येटम स्कुल सोइक्चा डा?" देंत।



बिरे, आ आल नु मास्टरनी

मिनु मास्टरनीमी छक लाक्शा "मार लोव्र पनी, बिरे दाग्यु? स्कुलमी पू किलास सम्म पढेचा कली मारेइ क्येट थाप्चा ममाल्ब शां। तमी तौ आन कली स्कुल मसोइक्चा देंशो दा खुरपो दुम्ची ना आम खोइलीमी आमामान खा आप्चा खोदेंशो बाक्ब" देंत।

बिरेम “आ मास्टरनी नानी, खोइ आंइ कली स्कुल मलथु यो दुम्त” देंत ।

मास्टरनीम “इन कली इच्चीना गिश श्येत बाक्ब । स्कुल लशो ननी हना, गे मार मार रिम्शो पा पने चाप्ब दुम्शा, आल नेल्ल आन कली स्कुल सोइश्शा रिम्शो पा थुल्ने चाप्ब दुम्नी वा । मुल इच्चीना इन कली गिश श्येत बाक्ब” देंत ।

बिरेम “आ, स्कुल लशा का दोपा रिम्शो दुम्बा डा? क्येट आ नास ला” देंत ।

मास्टरनीम “ममाइ बिरे दाग्यु, स्कुल लशा, गोपुकीमी दोपा रिम्शो पा शुश गेय पने जाप्बा? इची क्येटमी यो दोपा खाप्ने चाम्सीबा, मेको नेल्ल शेंचा ताइनीम । आम के इची खोइमी यो खाप्शा, जने पने चाम्सीब । मिनु ममाल्शो श्येत जचा ममाल्नय” देंत ।

बिरेम “जा!, मोदेंशो यो स्कुलम शेंनीमी डा, नानी?” देंत ।

मिनु मास्टरनीम “ओं, थमा पा आंइ ब्रोंइचा कली माल्शो लोव्र शेंशा जोक्ब सेल्नीम” देंत ।

मिनु बिरेम “ओहो, मो हना दा मुल डा मेरे आं आल आन कली यो स्कुल सोइक्चा दुम्ती । मेको आन पचा डा गेय गो आंमान श्येत पचा दुम्ती” देंत । बिरे आ लोव्र नेंशा, आलपुकी नु मास्टरनी नेल्ल थम्पान ग्येरसाक्म बाक्त ।

गो नेल्लम रूप्चा माल्शो लोव्र

आंइ आल आन कली स्कुल सोइक्चा माल्नीकी । आल आन कली स्कुल मसोइक्चा चही आल आन ब्रोंइतीक कली श्येतम प्रिंशा गेचा खोदेंशो बाक्ब । मोपतीके नेल्लम आम आंइ आल आन कली स्कुल सोइक्तय । मिनु पढेचा कली वारच पाइय्य । आलपुकी गो खुरपो दुम्चीना डा तिक्तीक कोक्के बाक्नीम । कोक्के आमन बोल्यो मबाक्त हना दोपा अरको कली तिक्ने चाप्बा डा?

शुमी ऒलमी आस कथल

सलइ नेसी यहुदल रलगी डल बेथलेहेम मलइकतीक सहरम मलनल कल खलप्शल जने ऒलपुब एलीमेलेक ने पलइशुशु मुर कल बलकुमलकुत। मेकु आ मीश आ ने नलओमी बलकुमलकुत। मलनु मेकु आस के तौ नलकुशी बलकुसल बलकुत। मेकु रलगीमी कलले शुश अनुकलल दुम्मे बलकुत। एलीमेलेकमी मेकु अनुकललम गलश पल यो जलल खलपुने मललबल बलकुत।



कलबु मेकुमी “मोआब मलइशुशु रलगीमी शुश जलल तूलल थलइसीब ने” देंशु नेनल बलकुत। मलनु मेकुम आ मीश कली “मोआब रलगीमी लय कुओरोमे” दे सलुललल तुवल बलकुत।



नलओमी नु आ खलं डल मुर मोआब लशु

मलनु आ मीश नलओमीमी आ वुंइश आ लुवु रलम्शु ललकुशल मेकेर लने बलसे बलकुत। मलनु आस तौ नलम्फल आस कली ललइशुशल मोआब रलगी लसल बलकुत।

मोपा मेकोपुकीमी परमप्रभु आ लां कोव्रचा प्रोइशा, परमप्रभु कली मतुइक्ब आन रागीमी लमा बाक्त। मेकेर जाक्दीम्मा नु थमान मेकेर शुश जचा तूचा तांमे बाक्त।

मेकोपुकी ग्येरसीशा शुश बर्ष सम्म मेकेर बाक्मा बाक्त। आस तौ यो निम्फा कोल्सा ग्युंवे पची जाक्सा बाक्त। मिनु एलीमेलेकमी मेको आस कली मोआबी मीश आल पुंइशा ग्युंवे पशा गेम्सी बाक्त। चाइमी आस कली तशा नाओमी शुश ग्येरसे बाक्त। मेको आस कली आ तमी खोदेंशो पा शुश दाक्तीम्सी बाक्त। परमप्रभु कली मतुइक्ब चाइमी बाक्ताक्स हना यो मेको निक्शीमी आस शिमी शिउ नु आस वोंइश आस कली थाम्पान मान पाइबाक्सा बाक्त। मोपा मेकोपुकी थम ग्येरशा बाक्शो बाक्मा बाक्त।

काबु एलीमेलेक थम ठेयब रोइ पवा बाक्त। मेको आ रोइ सापाइक्चा कली मेको आ मीश नु आ तौ चाइमी नेल्लम आन चाप्शो नु जोक्शो तुइश्शो नेल्ल पामे बाक्त। तन्न एलीमेलेक आ रोइ बारना बारन लमे बाक्त। मिनु काबु मेको बेक्मे बाक्त। आस आफ बेक्शो तशा मेको आ तौ निम्फा थम सुर्ता पाम्से बाक्त। मेको आस कली सुइमी लेम्ने मचबमे बाक्त।

मोपा सुर्ता पाम्से पाम्से निम्फा रोइ यो पाम्से बाक्त। मिनु काबु आ दाग्यु बेक्मे बाक्त। आ दाग्यु बेक्शो इक्का नाक्त नोले आ लोकब यो बेक्मे बाक्त। नाओमीमी आ वोंइश नु आ तौ आस कली सापाइक्चा कली शुश क्येट थुमा बाक्त। आ वोंइश नु निम्फा तौ बेक्सा नोले नाओमीमी जचा फेक्चा खाप्ने मचाप्थु आ श्येत बारना बारन लमे बाक्त।


काबु नाओमीमी “यहुदा रागी कली परमप्रभुमी आसीक गेशा मेकेर डा मुरुम शुश जचा तूचा तशो बाक्नीम” देंशो नेना बाक्त। मिनु नाओमी मेको आ रागी बेथलेहेम लेशशा लचा थुं पवा बाक्त। आ चाइमी निम्फा थम दारशो बाक्सा बाक्त। मोपतीके नाओमीमी ‘आ चाइमी निम्फामी मेकेर डा आन मुरपुक नु ग्युंवे पाम्ताक्स हना मेको आस कली रिम्शो दुम्ब’ दे मिम्ता बाक्त। मिनु काबु आ चाइमी आस कली मेको लोव्र माइक्सी बाक्त। मेको लोव्र नेंशा नाओमी आ चाइमी निम्फा थाम्पा आस थुं खाइश्शा डाक्सा बाक्त। तन्न नाओमीमी मेको आस कली नाक्त किंत किंत “इस कली एक उइ लेंशा ग्युंवे पचा रिम्शो दुम्ब। ग्युंवे पसे गो चहीं लेशशा आं रागी लाइनुड” दे थम रिम्शो पा लेम्दीम्सी बाक्त।

मिनु नेल्ल क्येडा नोले आ कान्छी चाइमीमी नाओमी आ लोव्र बिसे बाक्त। तन्न आ जेठी चाइमी काइ मबिसे बाक्त। मेकोमी नाओमी कली “गे ते लाइनीनी, गो यो मेकेन लाइनुड। इन मुर आं मुर दुम्नीम। मिनु इन परमप्रभु आं परमप्रभु दुम्ब। गे ते बेक्नीनी, गो यो मेकेन बेक्नुड। आं कली लाव दे कर



नाओमी नु रुथ बेथलेहेम जाक्दीशशो

मपने” दे आ शिमी कली काइ प्रॉइने मबिसे बाक्त। मोपतीके नाओमीमी मेको आ जेठी चाइमी कली लाइशशा बेथलेहम लेशशा लमे बाक्त। मेको चाइमी आ नें रुथ बामाक्त।



मिनु बेथलेहेम जाक्दीस्सा नु मेकेर डा मुरपुकीम “नाओमी जाक्मे बाक्त” दे थम ग्येरसमा बाक्त। मेना बेथलेहेममी चेरबी रिक्ची जाक्शो बाक्त। रुथमी आ शिमी नु सल्ला पा सिला बाला खुप्थ लमे बाक्त। सुनी रे नाक्दो सम्म काइ मनाइक्थु सिला बाला खुप्ता बाक्त।

रुथमी सिला बाला खुप्शा चाक्शो

परमप्रभुमी नाओमी नु रुथ आस कली शिशी पा कोव्रडा बाक्त। नोले काबु नाओमी आ नेक्था डा शुश क्येट थिब मुर कामी रुथ कली ग्युंभे पवा बाक्त। मेको मुरुम नाओमी कली यो आ खिंमी लाइशशा आ ममा खोदेंशो पा वदा बाक्त। मेडा मेरे नाओमी नु रुथ निम्फा थम ग्येरसीशा बाक्सा बाक्त। मिनु मेको निक्शीमी गेनायो लेंशा श्येत जचा ममाल्दसे बाक्त।



रुथ, आ नक वोंइश नु नाओमी

रूप्चा माल्शो लोव्र

शिमि चाइमी निम्फा गारशा थुं का दुम्शा यावे कली भरोसा वोइश्शा आन थुं रे थमा सुइक्तेकम हना आन कली यावेमी शिशी पाइब ।



जमुना आ कथा

आं खिं साब्रा दुरा गाउं बाक्ब । डोइती आं आफ ठेयब कुल मानेब नाक्सो बाक्त । कोंइच आन के ठेयब चाढ़ चन्दी मानेची नाक्त आं आफमी नेल्ल आन के रांगा, बोका, भालेपुकी क्योरशा पूजा पचा माल्बाक्त । मो पवानु आं आफ आ रां नेल्ल हुशेमी गुम्बाक्त । मेको तशा गो थाम्पान हिंशा ख्रुइश्शा बाक्ती । मिनु “आं आफमी मारदे मोदेशो पा पूजा पचा माल्शो माइ” दे थाम्पान मरिम्शो लाक्ती । एको पूजा पचा ममाल्शो हना गिश रिम्शो दुम वा । दोपा एको पूजा पतीके रे डोन बाक्ने चाम्सीबा दे थाम्पान मिम्शा बाक्ती ।

गो ठेयब दुम्डा नोले काबु येसु ख्रीस्त मानेतीक धर्म यो बाक्ब देशो नेंता । मेको धर्म डा किताब गो नु काथा पढेब थमा सुइक्ब वारचपुकीम कुरशो ताता । मेको तडानु पुंइशा पढेचा दाक्ती तन्न आं ठेयब

मुरुपुकी नु थमा मसुइक्बपुकीमी “येसु आ किताब पढेशो नु दा निप्स ग्याइब” देशो नेशो बाक्तीके मेको पुंइशा पढेचा हिंती। मेको वारचपुकीमी येसु आ भजन कुम्सो यो पाम्तेक्म। मेको आन पशो कुम्सो थाम्पान रिम्शो लाक्ती। गो यो मेको कुम्सो जोक्शा पचा तड हना गिश रिम्शो दुम वा दे मिम्ताक्ड।

काबु आं आम आफ निम्फा थाम्पान ठेयबे नु लाइश्शो रोइ पाम्ताक्स। गिश रोल्शा हना यो, महिना निक्शी लाक्शा यो काइ मसास। मिनु नोले अस्पताल कोंइक्चा दे काठमान्डु लाइक्तेक्म। आंइ आम आफ गाक्सा नोले गो आलपुकी यो नेल्ल रोइ पांइतक। मेना गोमी “आंइ आफमी शुश बोका, भालेपुकी पूजा पा हुश ब्रुइक्तीके मोदेशो रोइ पका कोरोमे” खोदेशो लाक्ती।

आं आम आफ काठमान्डु अस्पतालमी बाक्सानु थमा सुइक्बपुकी जाक्शा प्रार्थना पाइश्शा सापदमे बाक्त। मिनु आं आम आफ निम्फा थमा सुइक्ब दुम्सा बाक्त। मेको नोले निम्फा साशा खिंमी जाक्शा, आंइ कली “गो थमा सुइश्शा जाक्तस्कु, मुल गो नेल्लमी थमा सुइक्चा माल्ब” देंताक्स। मेको नेशा गो थाम्पान ग्येरसाक्यी। प्रभु येसु आ परब डा किताबपुकी यो चाक्शो बाक्ताक्स। मिनु थमा पा ग्येरसीशा मेको किताब पढेता। मिनु गो यो थमा सुइक्ब दुम्ती।

थमा सुइश्शो नोले मुल गोपुकीमी डोंइती डा बुद पा रांगा, बोका, नु भाले क्योरशा पूजा पचा ममाल्दक। मुलद आं आफ डोंइती डा बुद पा हुशेमी ग्रुम्शा पूजा पचा ममाल्ब दे तुइश्शा थाम्पान ग्येरसाक्यी। मिनु परमप्रभु कली ठेयब सेल्ला।

मिनु नोले आंइ खिं डा कुलमुल मानेतीक लगापरगी नेल्ल मन्डली डा पास्टरपुकी जाक्शा चोम्तेक्म। मिनु मे नोले आंइ खिं डा नेल्लेमी ग्येरसीशा ना नाक्दो प्रार्थना, भजन पचा गोंइतक।



प्रभु येसु कली थमा सुइश्शो नोले गोपुकी डोंइती डा खोदेशो पा रोइ यो मपक। आंइ खिंमी डोंइती डा क्येडा थम रिम्शो दुम्शो बाक्ब। गो नेल्ल प्रभु आ शिशी तशा थमा पा ग्येरसीशा बाक्शो बाक्नीकी।

श्येत जाइब कली वारच पने

आइक्था गाउं डा मुरपुकी शुश प्रुङग बाक्नीम। सन्ते नु आ मीश सुकमाया यो आइक्था गाउंमीन बाक्नीस।



मेको आस के तमी निक्शी नु तौ का बाक्ब। मिनु मेको के इम्चीली रू का डा लाक्शा, क्येट जाक्तीक लां मारेइ मबाक्ब। सन्ते प्रुङग बाक्तीके मेको आ खिं डा मुर शुश श्येत जशो बाक्नीम। सन्ते नु आ तमी तौमी श्येत जशो तशा, मेको आ वारच बल बाहादुरमी मेको कली वारच पाइक्चा दुम्ती दे मिम्ता बाक्त।

मिनु बल बहादुर सन्ते कली ग्रुम्थ लमे बाक्त। सन्ते कली ग्रुम्शा बल बाहादुरम “मार पवी सन्ते?” दे हिल्लो पवा बाक्त।

मिनु सन्तेम “मार पचा डा खोइ। श्येतै श्येत ला बाक्ब। श्येत जना जन बाक्नुड” देंमे बाक्त। बल बहादुरमी “ओदेंशो पा गिश बाक्नेवे? क्येट जाक्तीक गेय मारेइ पचा दाक्नीनी” दे हिल्लो पवा बाक्त।



बल बहादुर नु सन्ते

सन्तेमी “मार बाक्बा डा मोदेंशो पा क्येट चेम्तीके लां?” देंमे बाक्त। बल बहादुरमी साहु के मेश चाक्शा थुल्तीक सल्ला गेवा बाक्त। मिनु सन्तेमी बल बाहादुर आ लोव रिम्शो लाक्मे बाक्त। मेश थुल्ता हना, मेश आ दूध नु जिलील लेयशा आं तमी तौ आन कली जचा फेक्चा गेने चाप्नुडा कोरमें दे आ थुं बार पदा बाक्त। मिनु बल बाहादुर नु गारशा, आइक्ची

गाउं डा भिमे साहु आ खिंमी लसा बाक्त । भिमे साहु आ लाङ्गाम जाक्दीस्सा नु साहु मेश आ दाम्ला कुरशा मेश आन बाक्तीक लचा चिक्शो थित्से बाक्त ।

मिनु मेको निक्शीमी “नमस्कार, साहु बाजे” दे सेउ पाम्से बाक्त । मिनु भिमे साहुमी “नमस्कार नमस्कार, ते गाक्सी?” दे हिल्लो पाम्सी बाक्त । मिनु बल बाहादुरम “एकेन पिंतस्कु साहु बाजे” देमे बाक्त । मिनु भिमे साहुमी “मार देंसी, मिनु?” दे हिल्लो पवा बाक्त । मिनु बल बाहादुरम “एको सन्ते आं वारच शुश श्येत जशो बाक्ब । एको कली मारेइ वारच पने चाप्नीनी कों? दे हिल्लो पथ जाक्तस्कु” दे मदा बाक्त ।

मिनु भिमे साहुम “आं के मेश शुश बाक्नीम । सुइ रिम्शो कोव्रब मुर थित्ता हना, थुल्चा गेड दे मिम्शो बाक्नुड । मेश बुम्था थुल्चा दाक्नीनी हना, कोव्रथ लय” देंमे बाक्त ।

मिनु बल बाहादुरम “दुम्ब, साहु बाजे । आ खिं नेक्थम शुश घांस पाइश्शो दिंम बाक्ब । मेकेर मेश योव्रचा कली रिम्शो बाक्ब” देंमे बाक्त । मिनु भिमे साहुम “मो हना मेश थुल्चा कली लाइक्नेवे सन्ते ?” दे हिल्लो पवा बाक्त । मिनु सन्तेम “दुम्ब बाजे । आं

मीशेम यो बी मेश थाम्पा दाक्ब । गेनीनी हाना, का लाइश्शा थुल्शा कोव्रचा दुम्ती” दे मदा बाक्त ।

भिमे साहु के १२ ओटा मेश बाक्तेक्म । मेको आन दातेमी सन्तेम कन्ठा माइश्शो मेश लाइक्चा दाक्ता बाक्त । मिनु भिमे साहुम “लो, दुम्ब, सन्ते कन्ठा मेश लाइश्शा रिम्शो पा थुलो” दे गेशा सोइक्ता बाक्त । मिनु सन्तेम “बाजे आं कली थम रिम्शो पाइतीनी । इन मेश कली गो आं चाप्शो सम्म रिम्शो पा थुल्लुड” दे ग्येरशा कन्ठा मेश लाइश्शा लमे बाक्त ।

सन्तेम मेश चाक्शो तशा सन्ते आ मीश नु आ तमी तौ नेल्ल थाम्पा ग्येरसमा बाक्त । नेल्ल गारशा, मेश कली रिम्शो पा कोव्रडमे बाक्त । मेश आ मोलम गिखाइ यो थम रिम्शो दुम्मे बाक्त । मेश आ मोलम चिरस यो डोंइती क्येडा शुश ग्रेल्मे बाक्त । नोले मेश यो गीब दुम्शा पांडी का थिवा बाक्त । मेशेमी सुनी नाक्दो पा २० माना दूध गेब दुम्मे बाक्त । सन्तेमी दूध उप्शा, घिउ लेयशा, आल आन कली वासी ग्याप्शा गेमी बाक्त । नक वा फेक्चा तशा, आल नेल्ल ग्येरसमा बाक्त । इच्का नाक्त नोले आल आन कली स्कुल यो सोइक्तीमी बाक्त । सिनाक्त मुलाक्त सन्ते आ खिं डा मुर नेल्ल थम ग्येरसीशो बाक्नीम ।

श्येत जाइब आन कली वारच पचा माल्नीकी ।

भिल्लके आ कथा



झिल्लके कान्छा

भिल्लके माइशो मुर थम जोल्फे बाक्ब । राकसी शांबु यो साप्पान तूब । सिनाक्ती मुलाक्ती आइक्ची हांबु डा जवाडेपुकी नु वारच फ्रेंशा, थाम्पा जवा ग्यारचा मेरशो बाक्ब । मारेइ मारेइ जवा आप्शा खिंमी मारेइ महेंदा बाक्त । आ मीश आ गहना यो नेल्ल जवा आप्शा श्येत्थ पोक्शा गेवा बाक्त । जवाम थम मरिम्शो पा आ थुं ग्रुक्शो बाक्तीके, मुल दा गाउं डा

मुर आन कली जोल पना पन शुश क्येट थुइशशा जवा आप्चा मेरशो बाक्ब ।

शांबुमी रांडदा डा मेरे भिल्लकेमी मारेइ मताइब । साबेर नाक्त भिल्लकेमी जुवाम हजार सां क्येट सदा बाक्त । मिनु थाम्पा ग्येरशा, मुर नेल्ल आन कली शांबु राकसी ग्याप्शा तूपदा बाक्त । “मतूनीक” देंमा नु यो कर पा साप्पान तूपाइशशा नेल्ल आन कली दुक्पदा बाक्त । जुवा ग्यारशो कोव्रब नेल्ल आन कली यो साप्पान शांबु राकसी तूपाइशशा, नेल्ल आन कली दुक्पदा बाक्त । नेल्ल आन कली शांबुम रांडदा नोले इम्चीली लोव्र कामी जिचा बोक्मे बाक्त । मिनु नेल्ल जिशा बौला पा राम्शी पामे बाक्त ।

का निक्शी आन के पिया ब्रोल्लमे बाक्त । का निक्शी आन के गुइ जिक्गमे बाक्त । भिल्लके यो थम मरिम्शो पा तेच्चा पुंडसे बाक्त । मिनु मेको आ खुइ सां यो हेम्दमे बाक्त ।

मेकोपुकीमी मोदेंशो पा राम्शी ग्यारशो तुइशशा लल पियापुकी जाक्शा, नेल्ल आन कली ग्याइशशा लाइशशा नाक्दो का चोक्गमे बाक्त । डोंइती दा मेकोपुकी शुश दुक्शो बाक्तीके मारेइ मतुइक्तमे बाक्त । तन्न नाक्दो शांबुम प्रोना नोले मेकोपुकी

खाइशशा नप्युर पामे बाक्त। भिल्लके आ ग्राशो क्येट यो नेल्ल जाम्मे बाक्त। मेको नेंशा भिल्लके आ मीश थम्पा डाकमे बाक्त। मिनु “मुल आं तमी तौ निक्शी लाइशशा आं माइती खिं लशा बाक्नुड” देंमे बाक्त। भिल्लकेमी मारेइ देंने मचबा बाक्त।

भिल्लके आ का ला खिंमी डोंइती डा लोव्र नेल्ल मिम्ना मिम्न “गिश मरिम्शो मुर बाक्डा?” दे थाम्पा आ थुं खाइशशा डाकना डाकन बाकमे बाक्त। आ नेक्था डा मुरपुकीमी भिल्लके कली मार दुम्मे, मेको तुइशशा “मरिम्शो जुवाडे, गाउं डा सिदासादा मुर नेल्ल आन कली मरिम्शो लां खुल्ब बाक्ब” दे सुइ ग्रुम्थ मजाकमा बाक्त।

भिल्लके आ तमी स्कुल मजाकशो शुश दुम्शो तशा, काबु स्कुल डा मास्टर बाजे भिल्लके आ तमी मारदे स्कुल मकुमे दे रूप्चा कली मेको आ खिंमी कोव्रथ लमे बाक्त। भिल्लके आ खिंमी जाकमेनु, भिल्लके डाकना डाकन बाकशो तशा मास्टर आ छक लाकशा “मार पवी भिल्लके? मार दुम इ कली?” दे हिल्लो पवा बाक्त।

भिल्लके डाकशा मारेइ लोव्र लेन्ने मचबा बाक्त। मिनु मास्टरमी “मडाकको भिल्लके, इ कली मार दुम्शो

बाक्त हना यो आं कली देनो। गो इ कली चबु सम्म वारच पाइक्नन” दे मदा बाक्त। मिनु भिल्लकेमी आ मरिम्शो पशो नेल्ल नु आ मीशेम आ तमी तौ लाइशशा आ माइत लशो लोव्र नेल्ल शोव्रडा बाक्त।

मिनु मास्टरमी भिल्लके कली शुश शांबु राकसी तूब मुर के आइदी राकना राकन लाइब। मिनु आ निप्स यो ग्यना ग्यान लशा नोले थमा पा आन निप्स ग्राइशशा मारेइ मिम्ने पने मचापब दुम्नीम। आ खिं डा मुरूम यो मेको आ पर्वम श्येत जाइनीम। जवा ग्यारशा श्येत डा लाकशा मारेइ मताइसीब” दे शेंदा बाक्त।

मिनु लेंशा मास्टरमी “गे मुल डा मेरे शांबु राकसी नु जवा ग्यारचा ताइक्नेवे हना इ मीश कली ब्रदीचा वारच पाइक्नन” दे मदा बाक्त। मिनु भिल्लकेम “दुम्ब मास्टर बाजे, गो मुल डा मेरे गेनायो शांबु राकसी मतूनुड। मिनु जवा यो गेनायो मग्यारनुड” दे मदा बाक्त।

मिनु आ दिसा सुनी भिल्लके नु मास्टर गारशा भिल्लके आ मीश आ माइत लसा बाक्त। भिल्लके कली तशा आ शिमी शिउ निम्फा चुरशा ग्राम्दसे बाक्त। तन्न मास्टरमी मेको आस कली “इन जुवांइमी शांबु राकसी नु जवा ग्यारचा नेल्ल ताइशशो बाक्ब। मुल

डा मेरे एकोम लेंशा मोदेंशो मारेइ पाप्तु हना गो दुम्ती। काले कली माफ गेन। मुल रिम्शो दुम्ब। गो नेल्ल गारशा एको आन खिं मसाम्चा कली वारच पचा मालनय। इन तमी कली लेम्शा सोइक्तीन” दे आ गुड खोप्शा मेको निक्शी नु फिल्ले आ दातेम राम्मे बाक्त।

फिल्ले आ शिमी शिउमी मेको मास्टर आ लोव्र नेन्से बाक्त। मिनु आस तमी कली लेम्शा सोइक्तसे बाक्त।

मास्टरमी फिल्ले कली शुश खेयप ग्रुम्शा आ शांबु राकसी तूचा नु जवा ग्यारचा प्रेंपाइक्चा कली वारच पवा बाक्त। मिनु खिंमी आ मीश कली मारेइ मारेइ पचा कली वारच पचा शेंदा बाक्त। फिल्लेम मास्टर आ देंशो नेल्ल बिश्शा पवा बाक्त। नाक्त किंत किंत फिल्ले रिम्शो दुम्ना दुम्न लशा आ मीश आ थुं ग्राना ग्रान लमे बाक्त।

मुल्द बर्स निक्शी दुम्त, फिल्लेम थम रिम्शो पना पन बाक्ब। मिनु शांबु राकसी तूब नु जवा ग्यरब आन कली आ कथा शोव्रशा मेको आन कली रिम्शो पचा शेंना शेंन बाक्ब।



गो नेल्लम पचा माल्शो

मास्टर बाजेमी खोदेंशो पा गोपुकीमी यो आंइ एर ओंथ डा मरिम्शो पाइब आन कली रिम्शो पचा मार बाक्बा? मेको शेंशा नेल्ल आन कली रिम्शो पाइब सेल्चा कली वारच पचा मालनीकी। मारदे हना शुश मुरपुकीमी शांबु राकसी नु सुरती तूशो नु मार मार मरिम्शो दुम्बा, मेको मतुइश्शो बाक्नीम। मिनु जवा ग्यारशा आन क्येट नु समय मो हेंथे पा सोइश्शो बाक्नीम। मुर कामी ठीक पा ब्रोंइशो मबाक्त हना, मेको आ एर ओंथम बाक्ब आन कली यो श्येत दुम्ब। तन्न रिम्शो पा ब्रोंइशो मुर बाक्त हना, मेको आ एर ओंथ बाक्ब आन कली यो रिम्शो दुम्ब। मोपतीके गोपुकी नेल्ल गारशा मेको मास्टर बाजेम खोदेंशो पा आंइ एर ओंथ बाक्ब आन कली रिम्शो पा ब्रोंइचा कली वारच पचा मालनीकी।

आंम रागी कली मार पने चाप्नीनी?



साइ नेसी इस्राएल रागीमी पिप मबाक्ची ना मेको रागी डा मुरपुकी आन कली कोव्रब आन पिप परमप्रभु यावे आंमान बाक्शो बाक्त। परमप्रभु यावेमी मेको आन कली कोव्रशा आन माल्शो मारेइ मारेइ खाप्शा गेबाक्माक्त। मेकोपुकीमी यो परमप्रभु कली मान पा हिंशा ठेयब सेलना सेलन बाक्शो बाक्तेक्म। तन्न आन आल आन कली परमप्रभु यावे आ पर्वम रिम्शो पा मशेंदमे बाक्त। मोपतीके मेको आन आलपुकी

परमप्रभु कली मतुइक्ब आंम आन दला दाक्स पाइब दुम्मा बाक्त।

मेको आन दला दाक्स पशो परमप्रभु यावेमी काइ मदाक्ता बाक्त। मोपतीके परमप्रभुमी मेको आन कली कोव्रचा ताइक्ता बाक्त। परमप्रभुमी मेको आन कली कोव्रचा ताइक्ता नोले मेको आन कली आन एर ओंथ डा मुरपुकीमी शुश श्येत गेचा गोमे बाक्त। मेको आन कली हिम हिम पा हिंच कौंइशा आन बस्तु भाउ नु आन ख्रुम्शो मारेइ मारेइ लाइश्शा गेबाक्मा बाक्त। काइले ना आन क्येशो जचा थोव्रक यो थु था प्रौंइशा प्रोक्चा माल्बाक्मा बाक्त। मोपा आन जचा तूचा नु आन रिम्शो मारेइ मारेइ रोइश्शा थाम्पा श्येत गेचा पुंइसमा बाक्त। मिनु गेना हना यो क्युल हिंशा ख्रुइश्शा बाक्चा माल्दमे बाक्त। रवा डा सफा का हेम्शा दोक्त हना यो हिंशा एर ओंथ मारेइ मकोव्रथु बेरेर पा दोरशा प्रोक्बाक्मा बाक्त।

मेना मेको आन दातेमी दबोरा माइश्शो मीश मुर का बाक्माक्त। मेको आ वौंइश, आल ब्रेप्च, शिंमी शिंउ नेल्ल खिं का उइ काथा बाक्शो बाक्मा बाक्त। मेको मीश मुर परमप्रभु कली हिंशा मान पाइब बाक्माक्त। मेकोमी आ तमी तौ नु आ खिं डा नेल्ल आन कली परमप्रभु कली मान पचा शेंशो बाक्माक्त। मेको आ

नेक्था डा खिंमी बारक माइशशो मुर का यो बाक्बामाक्त। मेको यो परमप्रभु कली मान पाइब मुर का बाक्माक्त।

मेको आन रागीमी शुश श्येत दुम्तीके मेकोपुकीमी परमप्रभु कली “वारच पाइक्की” दे नेल्ल गारशा पुंइचा गोमे बाक्त। मेको आन कली शुश श्येत दुम्शो नु आन थुं लेशशो तशा, परमप्रभुमी ‘मुल एको आन कली वारच पइक्चा दुम्ती’ दे मिम्ता बाक्त। मिनु परमप्रभुमी दबोरा कली “आं मुरपुकीमी श्येत जशा डाक्शा आं कली ‘वारच पन’ दे पुंइशो नेंता। मेको आन कली आन जोरी सत्रु रे फ्राचा कली बारक कली सोइक्चा दाक्नुड। मोपतीके मेको कली लडाइ पने चाप्ब मुरपुकी खुप्शा लडाइ पथ लाव, मतो” दे मदा बाक्त। मिनु दबोराम बारक कली मेको लोव्र मदा बाक्त।

मेको लोव्र नेंशा बारक हिंमे बाक्त। मिनु दबोरामी “परमप्रभु आ देंशो टिचा माल्नेवे। मोपतीके लडाइ ग्यारने चाप्ब मुरपुकी खुप्शा लडाइ पथ लाव। परमप्रभुमी इ कली ग्रापाइक्ब” दे बारक कली आ थुं बारपदा बाक्त। मिनु बारकम दबोरा कली “मुर आन कली लाइशशा आं का ला लडाइ पथ लचा हिंनुड। गे



लडाइ पथ लचा कली नु दबोरा सल्ला पशो यो गो नु काथा लय। गे मलांइतीनी हना, गो आं का ला मलाइनुड” दे मदा बाक्त। मिनु दबोरामी परमप्रभु कली आ थुं रे थमा सुइशशा “दुम्ब, एको लडाइ पाइब दा परमप्रभु बाक्ब। आम रागी नु आम मुर आन कली श्येत रे प्रौइचा कली गो यो गे नु काथा लडाइमी लाइनुड” दे मदा बाक्त। मिनु लडाइमी लचा कली सासे बाक्त। मुर आन कली यो ‘आम रागी नु आम मुर आन कली श्येत रे प्रौइचा कली आम चाप्शो नेल्ल पचा कली गेना यो नोले शौंइसीचा मदुम्ब’ दे नेल्ल

आन थुं बारपदा बाक्त ।



इस्राएलीपुकी लडाइ पथ लशो

दबोरा आ लोव्र नेंशा इस्राएलीपुकी नेल्ल थुं का दुम्शा आम रागी कली श्येत रे प्रॉइचा दे लडाइमी लचा सासमा बाक्त । मिनु मेकोपुकी दोरोर पा लडाइ पतीकेम जाक्दीम्मा बाक्त । मिनु लडाइ पा ग्राचा कली परमप्रभुमी मेको आन कली वारच पवा बाक्त । मेकोपुकीमी लडाइ ग्राशा मेको श्येत गेब आन कली ब्रला चिला सेल्मे बाक्त । मे डा मेरे मेकोपुकी शुश सम्म थाम्पा थुं नाइश्शा बाक्चा तामे बाक्त ।



एको कथाम शेंचा माल्शो लोव्र

आम रागी खोदेंशो रिम्शो अरु आन रागी मदुम्ब । मिनु आंम मुर खोदेंशो रिम्शो अरु मदुम्नीम । आंम रागी रिम्शो दुम्त हना आंइ कली यो रिम्शो दुम्ब । मोपतीके आंम रागी नु आंम मुर आन कली रिम्शो पचा माल्नीकी । गोपुकी दबोरा खोदेंशो पा आंइ रागी आ पबर्म आंइ चाप्शो पचा कली गेनायो नोले शॉइसीचा मदुम्ब ।



मन आ कथा

दिदी नु गो आल बाक्सकु रेन पालो पा शुश देबी देवता आन फोटो कली पूजा पचा माल्तास्कु। काबु आं पालोमी पूजा पना पन बाकडा नु शुश देबी देवता आन कली तशा “एको नेल्ल आन क्येडा ठेयब परमपभु अर्को का बाक्चा माल्ब” दे मिम्चा पित। मिनु मेको परमप्रभु सु बाक्बा मइ दे मिम्ना मिम्न बाक्ती। मेना गो नौ बर्स डा बाक्ती।

ठेयब दुम्डा नोले आंइ गाउं डा दाग्यु निक्शी थमा सुइक्ब दुम्शा जाक्शा गाउं डा मुर आन कली येसु आ पर्वम शेंचा गोम्ताक्स। आं कली यो शेंशा किताबपुकी गेम्ताक्स। तन्न गो मेको किताबपुकी ताक्शा खोपामी खुइश्शा वोइक्ता। मारदे हना मेको बी ब्वाइब आन धर्म बाक्ब दे डोंइती रे ठेयब मुरपुकीमी शेंशा तुइश्शो बक्ती। मोपतीके मेको किताबपुकी मपढेथु वोइक्ता। मिनु अरु आन कली यो पढेचा मगेडमी।

मेको आ इच्का नोले आं दिदी ओखलढुंगा अस्पताल रे छुट्टीमी जाक्त। मिनु गोमी “येसु धर्म आ पर्वम शेंबपुकीमी आंइ गाउं कली गेत्थलुक्च शेल्चशो बाक्नीम” दे शोवता। मेको नेंशा दिदीमी “हिन्दु देवी देवतामी आन कली मरिम्शो पाइब आन कली क्येक्क लेत्चा दे जाक्तेक्म। मेको आन कली मुरपुकीमी जचा तूचा गेचा माल्नीम। तन्न पभु येसुमी दा मुर आन कली शिशी पा आन पाप क्याम्शा श्येत रे प्रोंइचा कली रागीम जाक्त। गोपुकीमी थुल्चा माल्शोपुकीमी आंइ कली मार गेने नु पने चाप्नीमी डा। येसु नेल्ल आन क्येडा ठेयब सक्ति पाइश्शो परमप्रभु बाक्ब” दे शेंताक्यी।

मिनु दिदी आ लोव नेशा थमा खोदेंशो लाक्ती मिनु साइ खुइश्शा वोइशो किताबपुकी शोल्शा पढेतामी। मोपा पढेडा नु, दोशो पढेडा मेको क्येडा शुश पढेचा दाक्ती। मिनु मेको आन शेंतीकेमी लशा आन शेंशो नेनु नु थाम्पान रिम्शो लाक्ती। तन्न येसुन नेल्ल आन क्येडा ठेयब परमप्रभु दोपा बाक्बा, दे रुपने चहिं मचबु।

काबु नाक्दो मेको थमा सुइक्ब आन शेंतीकेम लती। शेंने थुम्शा प्रार्थना पामेनु गो चही मिक्च रोक्शा एरओंथ कोव्रतामी। मोपा कोव्रना कोव्रन लशा मेको थमा सुइक्ब सां आन कली तडा नु “मेकोपुकीमी परमपभु कली लोव

पना पन बाकशो नु आन लोव्र परमप्रभुमी नेंना नेन पाइशशो' खोंदेंशो ताता। मोदेंशो तडा नु गो हिंती। मिनु आं मिक्च सो क्रिष्णा ओं देंती "परमप्रभु येसु गे थमा पान नेल्ल आन क्येडा ठेयब परमप्रभु बाकनीनी हना आं कली यो मेरे आन बुद पा इन कली तने चाक्ब सेल्यीनी। मिनु गो यो आं ब्रोंइतीक नाक्त नेल्लेमी इन कली थमा सुइक्ब दुम्नुड" दे देंती। मो देडा नोले गो थमा पान पापम ग्रुम्शो मुर बाकडाक्त दे तुइक्ताकड।

मिनु मे नोले आंइ कली नबीन दाग्युमी "सु सु थमा सुइक्चा दाकनीनी इन गुंड पोक्कीन" दे देंत। मिनु गो गुड पोक्ब आंइ कली का का पा आंइ पिया तारी आ गुड वोइशशा पार्थना पशा गेंतीकी।

मोपा प्रार्थना पने थुमा नोले गो थमान आं पाप नेल्ल क्याम्सीशो खोदेंशो लाक्ती। मिनु आं थुं थाम्पान सोपी नु ग्येरसीशो दुम्ती। मेना रे गो थमा पान प्रभु येसुन नेल्ल आन क्येडा ठेयब परमपरभु बाक्ब दे आं थुं रे पान तुइक्ताकड। मिनु आं देंशो बुदपा मुल सम्म प्रभु कली थमा सुइक्ब दुम्शो बाक्नुड।



नेल्ल क्येडा निप्स ठेयब बाक्ब

*रिम्शो नें चेम्चा शुश ब्रोव्रशो रिना पाइशशो तेल क्येडा रिम्शो बाक्ब।

*भोज पतीक खिंमी लचा क्येडा सुर्ता पशो खिंमी लचा रिम्शो बाक्ब।

*'बेक्तीक, मुर आन के नेल्ल क्येडा नोले डा हिंतीक बाक्ब' दे नेल्ल ब्रोंइब मुरूमी तुइक्चा माल्ब।

*शुश रिच्चा क्येडा सुर्ता पशो रिम्शो बाक्ब। मारदे हना सुर्ता पशो कुलमी थुं कली रिम्शो पाइब।

*निप्स पाइशशो मुर आन थुं सुर्ता पतीक खिंम बाक्ब। तन्न मूर्ख आन थुं ग्येरतीक नु आम दाक्शो पतीकेमी बाक्ब।

डोमु ताइब मुर आ कथा




याकूब नु आ दाक्शो तौ यूसूफ

साइ नेसी याकूब माइश्शो मुर का बाक्माक्त। मेको मुरुम राहेल माइश्शो मीश आल कली दाक्ता बाक्त। राहेल आ आम आफोमी यो याकूब कली शुश दाक्ते बाक्स। तन्न राहेल के जेठी दिदी यो बाक्तीके जेठी कली प्रॉइशा कान्छी कली ग्युंभे पचा मदुम्बाक्माक्त। मोदुम्तीके मेको निक्शीमी याकूब कली कन्छी गेनस्कु दे जोल पा जेठी कली ग्युंभे पपदसे बाक्त। ग्युंभे नाक्दोम दुम्तीके आ ग्युंभे पशो मीश आल दा जेठी कका बाक्माक्त दे याकूबमी आ दिसा सुनी ला तुइक्ता बाक्त। मिनु आ शिमी शिउमी मारदे मोदेंशो पा जोल पाम्से दे थाम्पा चुरमे बाक्त। मिनु मेको आ शिमी शिउमी मेको कली “जेठी प्रॉइशा कन्छी कली ग्युंभे पचा मदुम्तीके मो पाइतस्कु। मुल गे कान्छी कली यो लाइने चाप्नेवे” दे कान्छी कली यो गेम्से बाक्त। मिनु याकूबमी कान्छी कली यो ग्युंभे पवा

बाक्त। याकूब आ जेठी मीशेम आल थिना थिन बाक्माक्त। तन्न कान्छी मीशेमी आल का यो मथिवा बाक्त। मिनु शुश नोले ला कान्छी मीशेम यो तौ निक्शी थिम्सी बाक्त। मेको नेल्ल पा याकूबम बार जना तौपुकी थिमी बाक्त।

कान्छा तौ थिची ना मेको कान्छी मीश राहेल बेक्मे बाक्त। मेको आ जेठा तौ आ नें यूसूफ बाक्माक्त। यूसूफ थम रिम्शो आल बाक्माक्त। आल बाक्ची ना रे मेकोमी परमप्रभु कली हिंशा मान पा रिम्शो नु ठीक ला पचा दाक्बाक्माक्त। आ लोकब आन मरिम्शो पशो काइ मदाक्बाक्माक्त। ‘मो पचा मदुम्ब’ दे मेको आन कली देंबाक्माक्त। मिनु मेकोपुकीमी आ देंशो मटीमेनु मेको आन मरिम्शो पशो नेल्ल आ आफ कली शेंबाक्माक्त। मोपतीके आ लोकबपुकीमी मेको कली मदाक्तमे बाक्त। तन्न याकूबम कान्छी मीश आ जेठा तौ यूसूफ कली शुश दाक्बाक्माक्त।





यूसुफमी चेरब रु डा डोमु तशो

काबु नाकदो यूसूफमी थम छक लाकचा डा डोमु का तवा बाकत। मेको डोमुमी यूसूफ, आ लोकबपुकी नु चेरब रूमी चेरब रिक्शा मुठा फ्रेंना फ्रेंन बाकशो तवा बाकत। मिनु नेल्ल आन चेरब मुठामी यूसूफ आ चेरब मुठा कली खुम्क्यु पा बाप्शा सेउ पशो तवा बाकत। मिनु आ दिसा सुनी यूसूफमी मेको डोमु आ खिं डा मुर नेल्ल आन कली शोवडा बाकत। मेको नेशा आ आफ छक लाकमे बाकत। आ लोकबपुकी चहिं शुश चुरमा बाकत।

काबु नाकदो यूसूफमी लेंशा अर्को छक लाकचा डा डोमु का यो तवा बाकत। मेको डोमुमी, यूसूफ नु आ लोकब नेल्ल आन के

सोरुल का का बाकमा बाकत। मिनु मेको सोरुलपुकी, तास्ला नु नांमी यो यूसूफ आ सोरुल कली सेउ पशो तवा बाकत। आ दिसा सुनी बोक्शा यूसूफमी मेको आ डोमु आ खिं डा मुर नेल्ल आन कली शोवडा बाकत। मेको नेशा नेल्ल चुरमा बाकत। यूसूफ आ आफ नु जेठी आमा यो चुरसा बाकत।

याकूब के ठेयब भेडा गोठ का बाकमाकत। याकूबम आ जेठी मीश आ तौ आन कली मेको भेडा गोठ कोवब सेल्शो बाकमाकत। यूसूफ नु आ लोकब चहिं याकूब नु खिंम आं नु काथा बाकबाकताकस। काले याकूब आ तौपुकी भेडा गोठ रे शुश नाकत सम्म खिंम मजाकमा बाकत। मिनु भेडा गोठ ते लदमे याकूबमी मारेइ मतुइकता बाकत। मोपतीके याकूबमी यूसूफ कली माल्थ सोइकता बाकत। मेना यूसूफ १७ बर्स ला जाकदीशो बाकमाकत।

यूसूफ आ दाग्यु आन कली माल्ना माल्न लमे बाकत। माल्शा माल्शा बल्ल बल्ल पा थिम्मी बाकत। आ लोकबपुकीमी डोन रे मेको कली पिना पिन पशो तामे बाकत। मिनु मेको कली साइकचा थुं पामे बाकत। मारदे हना आन आफ याकूबमी मेको कली नेल्ल आन क्येडा दाकशो तशा नेल्लम यूसूफ कली गेहे पाइकबाकमा बाकत। मोपतीके मेकोपुकीमी यूसूफ कली साइकचा माल्मे बाकत। तन्न जेठा दाग्युमी मो पने मबीसे बाकत। मोपतीके यूसूफ कली तुप्शा खाडल कामी पिकगमे बाकत। यूसूफ थाम्पा हिंशा, आ दाग्यु आन कली “दाग्यु आं कली खाडल रे ग्रुंइदीनी” दे नेल्ल नाकदो मेको खाडलम डाकना डाकन बाकमे बाकत।

आ दिसा सुनी जेठा दाग्यु मबाकची ना अरु लोकबपुकीमी मेको कली खाडल रे फेशा डोन डा ग्यापब लेयब आन कली

लेयशा सोइक्तमे बाक्त। मेना यो यूसूफम “दाग्यु आं कली मलेयीनी” दे शुश डाक्मे बाक्त। तन्न मेको गिश डाक्त हना यो आ दाग्युपुकीम मेको कली लेयशा सोइक्तमे बाक्त।

मेको ग्याप्ब लेयबपुकीमी यूसूफ कली डोन रागी लाइशशा ठेयब मुर का कली लेयडमे बाक्त। मेकेर यूसूफ वाइल दुम्शा शुश गेय पचा माल्दा बाक्त। यूसूफम आ आफ नु आ खिं शुश मिम्ना मिम्न सुर्ता पा बाक्बाक्माक्त। तन्न यूसूफ कली मार दुम्त हना यो मेकोमी परमप्रभु कली हिंशा मान पचा मप्रोना बाक्त। परमप्रभुमी, यूसूफम मार मार पवा मेको नेल्ल कली आसीक गेतीके मेको आ होव्रप के शुश शोंप बारना बानर लमे बाक्त। तन्न काबु मेको होव्रपोक्ममी जोल पा यूसूफ कली भेल्खानम चोक्पदा बाक्त। परमप्रभुमी यूसूफ कली भेल्खानम यो शुश अासीक गोवा बाक्त।

काबु मेको रागी डा पिपम थम छक लाक्चा डा डोमु का तवा बाक्त। मेको डोमु आ अर्थ मार बाक्बा दे रुप्चा दाक्शा जोक्ब तुइक्ब नेल्ल आन कली हिल्लो पवा बाक्त। तन्न सुइमी मेको आ अर्थ शोव्रने मचप्मे बाक्त। मेको पिप आ गेय पाइब ठेयब मुर निक्शी यो भेल्खानम बाक्ची ना आस तशो डोमु आ पर्बम यूसूफम ठिक पा मेको डोमु आ अर्थ शोव्रशो लोव्र ती फ्रुक्गा बाक्त। मिनु मेकोम पिप कली “भेल्खानमी नेल्ल डोमु आ अर्थ शोव्रने चाप्ब मुर का बाक्ब” दे मदा बाक्त। मिनु पिपमी भेल्खान रे यूसूफ कली दरबारमी चाक्पदा बाक्त।

दरबारमी पिप आ डोमु नेशा, यूसूफमी “परमप्रभुमी, पिप कली सात सम्म डा दुइशशो थम ठेयब अन्काल जाक्चशो लोव्र

कोंइशो बाक्ब। मेको ठेयब अन्काल जाक्चा क्येडा डोइती सात सम्म थम्पा अन्न ग्रेल्ब। मेको डोमु नेल्ल रागी आ पर्बम बाक्ब” दे शोव्रडा बाक्त। मिनु यूसूफमी पिप कली “मुल नेल्ल क्येडा निप्स पाइशशो मुर कली योव्रशा मुल जाक्चशो अन्काल कली एको साकलमी अन्न खुप्शा वोइपाइक्चा” दे यो सल्ला गेवा बाक्त। यूसूफ आ लोव्र नेशा पिप थाम्पा ग्यरसे बाक्त। मिनु यूसूफ खोदेशो निप्स पाइशशो मुर सुइ मबाक्नीम मोपतीके मेको कली आ राज्य डा नेल्ल आन क्येडा ठेयब मुर सेल्चा माल्ब दे मिम्ता बाक्त। मिनु आ मिम्शो खोदेशो पवा यो बाक्त। मिनु यूसूफमी पिप कली शुश अन्न खुप्शा तेला बाक्त।

सात नोले नेल्ल रागीमी शुश अन्काल दुम्चा गोवा बाक्त। डोन डोन रागी डा मुरपुकी यो यूसूफ आ बाक्तीकेम अन्न ग्याप्चा कली जाक्मा बाक्त। काबु यूसूफ आ बाक्तीकेम अन्न ग्याप्चा कली आ लोक्बपुकी यो जाक्मा बाक्त। यूसूफम मेको आन कली तामी चोटेन तुइक्तीमी बाक्त। तन्न आ लोक्बपुकीम मेको यूसूफ बाक्ब दे मतुइक्तमे बाक्त। यूसूफमी यो मेको आन कली मतुइशशो खोदेशो पा शुश लोव्रसी हिल्लो पामी बाक्त। मेकोपुकीमी “गो बार जना वोबु बाक्नीकी। का खिंम बाक्ब, का साइकन बेक्त, गो १० जना एक अन्न ग्याप्चा कली जाक्शो बाक्नीकी। आंइ आफ शुश खुरपो दोम्शो बाक्ब” देंमा बाक्त। मिनु यूसूफमी मेको आन कली थाम्पा हिंम हिंम पाइशशा “लेंशा पिनीनु खिंम बाक्शो इन लोक्ब कली यो चाक्कीन” दे अन्न गेशा सोइक्तीमी बाक्त। मेकोपुकी खिं जाक्दीशशा आन आफ कली मारेइ मारेइ

शोव्रडमे बाक्त। आन लाइशशो अन्न नुम्मे नोले आन कान्छा लोकब कली ढिपी पा लाइशशा लेंशा अन्न ग्याप्टीमा बाक्त।



यूसुफ आ कान्छा लोकब जाक्शो

यूसूफ आ बाक्तीकेम जाक्दीम्मा नु यूसूफमी आ लोकब कली तशा थाम्पा ग्येरसे बाक्त। डोइती यूसूफम मेको आन कली मतुइशशो खोदेशो पवा बाक्त। तन्न नोले मेको आन कली “गो यूसूफ नड” दे माइक्मी बाक्त। मोदेशो नेंशा मेको आ लोकबपुकीमी “एको दा यूसूफ कका बाक्मे बाक्त। मुल एकोम डोंइती आंइ मरिम्शो पशो नेल्ल क्येक लेप्बा कोरोमे” दे थम्पा हिंमा बाक्त। मोपा मेको आन हिंशो तशा यूसूफमी “महिनीन, आं नेक्था पिन, गो इन कली मारेइ मरिम्शो मपाइनुड। इन पतीकेम ममाइ, तन्न गे नेल्ल इन कली अन्काल रे प्रॉइचा दे परमप्रभुमीन आं कली एकेर सोइशशो बाक्ब” दे माइक्मी बाक्त। मिनु मेको आ लोकब नेल्लम यूसूफ कली साव पुंम्शा डोइती आन मरिम्शो पशो मिम्शा नु यूसूफ आ ठेयब थुं तशा, नेल्ल थाम्पा डाक्मा बाक्त। यूसूफम आ लोकब नेल्ल आन

कली अन्न नु मार मार वासीपुकी गेमी बाक्त। मिनु आ आफ कली यो यिश्शा यिन दे मार मार सोइक्तीमी बाक्त।

यूसूफ आ लोकब नेल्ल थाम्पा ग्येरसीशा आन खिं लेशशा लमा बाक्त। मिनु खिं जाक्दीम्मा चोटे आन भारी दुरदार ताइशशा नेल्ल क्येडा डोइती आन आफ कली “इन तौ यूसूफ सेस बाक्त। आंइ अन्न ग्याप्टीक डा नेल्ल आन क्येडा ठेयब मुदा यूसूफ कका बाक्त” दे देंमा बाक्त। मेको नेंशा आन आफ छिन्का द क्रासे का थशा मारेइ देने मचबा बाक्त। मिनु इच्का नोले “मार ने? यूसूफ सेस बाक्बा?” देंमे बाक्त। मिनु आ तौपुकीमी “ओं सेस बाक्त, मिनु इन कली यिश्शा यिन देंशो बाक्ब” देंमा बाक्त। मिनु मेकोपुकी नेल्ल ग्येरसीशा यूसूफ आ बाक्तीकेम लमा बाक्त।



मेकेर जाकदीशशा यूसूफ नु गुम्शा थम ग्येरसमा बाक्त।
यूसूफम नेल्ल क्येडा रिम्शो शुश घांस नु अन्न सित्तीकेम मेको
आन कली बाक्चा गेमी बाक्त। मोपा मेकोपुकी रिम्शो जचा
फेक्चा तशा थम ग्येरसीशा बाक्चा बाक्त।



यूसुफ नु आ यूसुफ आफ फारो आ डोइती

एको कथा रे रूप्चा माल्शो लोव्र

यूसूफ आ कली मार दुम्त हना यो नेल्ल नाक्ती परमप्रभु कली
मान पा हिंशा टिशा बाक्मे बाक्त। आ कली गिश श्येत जाक्त
हना यो परमप्रभु कली थुं रे टिशा मान पना पन बाक्मे बाक्त।
मोपतीके परमप्रभुमी मेको कली आंखा आंखा पा ठेयब मु
सेल्ना सेल्न लदा बाक्त। एको इस्राएली आन दातेम थमा पा
दुम्शो लोव्र बाक्ब। एको कथा रे मार तुइसीब देंशा हना
गोपुकी आंइ कली दोदेब श्येत दुम्त हना यो परमप्रभु कली
हिंशा मान पचा मप्रोंइथु बाक्तक हना परमप्रभुमी आंइ कली
वारच पाइब दे तुइसीब। मोपतीके गोपुकीमी रूप्चा नु पचा
माल्शो लोव्र का ला बाक्ब, मेको “परमप्रभु कली थुं रे पा टिचा”
मो पांइतक हना परमप्रभुमी आंइ कली यो ठेयब सेल्ब।